

OFFERYNNAU STATUDOL CYMRU

**2008 No. 1273**

**Rheoliadau Grantiau a Benthyciadau Dysgu  
y Cynulliad (Addysg Uwch) (Cymru) 2008**

**RHAN 9**

**ASESIAD ARIANNOL**

**Cyfrifo'r cyfraniad**

**53.**—(1) Cyfraniad myfyriwr cymwys mewn perthynas â blwyddyn academiaidd yw'r swm a gyfrifir o dan Atodlen 5, os oes unrhyw swm o gwbl.

(2) At ddibenion arfer swyddogaethau Gweinidogion Cymru o dan y Ddeddf a'r rheoliadau a wnaed odani, caiff Gweinidogion Cymru ei gwneud yn ofynnol i fyfyriwr cymwys roi o bryd i'w gilydd unrhyw wybodaeth y mae Gweinidogion Cymru yn credu ei bod yn angenrheidiol am incwm unrhyw berson y mae ei foddion yn berthnasol ar gyfer asesu cyfraniad y myfyriwr.

**Cymhwyso'r cyfraniad**

**54.**—(1) Yn ddarostyngedig i baragraff (4), mae swm sy'n hafal i'r cyfraniad neu i weddill y cyfraniad, yn ôl y digwydd, a gyfrifir o dan Atodlen 5 i'w gymhwyso nes ei ddihsbyddu yn erbyn swm y grantiau a'r benthyciadau penodol y mae gan y myfyriwr cymwys hawl i'w cael fel a ganlyn —

- yn gyntaf, i ostwng **GFF**;
- yn ail, i ostwng **ADG**;
- yn drydydd, i ostwng **CCG**;
- yn bedwerydd, i ostwng **PLA**;
- yn bumed, i ostwng **LLC** i ddim llai na'r lefel isaf am y flwyddyn academiaidd;
- yn chweched, i ostwng **GFT**.

(2) Yn achos myfyriwr cymwys o dan yr hen drefn, yn ddarostyngedig i baragraff (4), pan fo swm sylfaenol y grant at ffioedd wedi'i gyfrifo yn unol â rheoliad 16(1) a 16(7), i benderfynu swm gwirioneddol y grant at ffioedd sy'n daladwy, rhaid i Weinidogion Cymru gymhwyso'r cyfraniad yn unol â pharagraff (1);

(3) Yn achos myfyriwr cymwys o dan yr hen drefn, pan fo swm sylfaenol y grant at ffioedd wedi'i gyfrifo yn unol â rheoliad 16(2) neu 16(8) a bod un o'r achosion a nodir yn rheoliad 16(4)(b) neu (ch) yn gymwys, i benderfynu swm gwirioneddol y ffioedd sy'n daladwy, rhaid i Weinidogion Cymru—

- yn gyntaf, gymhwyso'r cyfraniad i ostwng swm sylfaenol y grant at ffioedd;
- yn ail, os nad yw'r cyfraniad wedi'i ddihsbyddu, didynnu swm sy'n hafal i swm sylfaenol y grant at ffioedd o'r hyn sydd ar ôl o'r cyfraniad sy'n gostwng gweddill y cyfraniad i ddim llai na dim; ac
- yn drydydd, os nad yw'r cyfraniad wedi'i ddihsbyddu o hyd, cymhwyso'r gweddill yn gyntaf i ostwng **ADG** yn unol â pharagraff (1).

(4) Os yw'r cwrs yn gwrs ar gyfer hyfforddiant cychwynnol athrawon (heblaw cwrs ar gyfer gradd gyntaf), nid oes unrhyw ddidyniad o'r swm sylfaenol o'r grant at ffioedd o dan y rheoliad hwn a chymhwysir y cyfraniad yn gyntaf i ostwng **ADG** yn unol â pharagraff (1).

(5) Yn achos blwyddyn Erasmus, rhaid i Weinidogion Cymru gymhwyso'r swm y mae'r cyfraniad yn fwy na £1,255, yn gyntaf i ostwng **ADG** yn unol â pharagraff (1).

(6) Os nad yw'r myfyriwr yn ymgymhwyso i gael grant at ffioedd am unrhyw reswm arall, mae **GFF** yn ddim a chymhwysir y cyfraniad yn gyntaf i ostwng **ADG**.

(7) Yn achos myfyriwr cymwys o dan y drefn newydd, mae **GFF** yn ddim a chymhwysir y cyfraniad yn gyntaf i ostwng **ADG**.

(8) Yn y rheoliad hwn—

(a) **ADG** yw swm y grant dibynyddion mewn oed, os oes unrhyw swm o gwbl, a gyfrifir yn unol â rheoliad 29;

(b) **CCG** yw swm y grant gofal plant, os oes unrhyw swm o gwbl, a gyfrifir yn unol â rheoliad 29;

(c) **GFT** yw swm y grant at deithio y mae'r myfyriwr cymwys yn ymgymhwyso ar ei gyfer o dan reoliad 31, os oes unrhyw swm o gwbl;

(ch) **LLC** yw swm y benthyciad at gostau byw, os oes unrhyw swm o gwbl, y mae'r myfyriwr cymwys (heblaw myfyriwr sydd â hawlogaeth wedi'i gostwng) yn ymgymhwyso o dan Ran 6 i ddim llai na'r lefel isaf am y flwyddyn academaidd a bennir ym mharagraff (9);

(d) **PLA** yw swm, os oes unrhyw swm o gwbl, lwfans dysgu'r rhieni a gyfrifir o dan reoliad 29 (ac eithrio £50 cyntaf y lwfans).

(9) Yn ddarostyngedig i baragraffau (10) a (11), y “lefel isaf am y flwyddyn academaidd” (“*minimum level for the academic year*”) yn rheoliad 54(1)(ch) yw —

(a) £2,685, yn achos myfyriwr yng nghategori 1;

(b) £4,860, yn achos myfyriwr yng nghategori 2;

(c) £4,135, yn achos myfyriwr yng nghategori 3;

(ch) £4,135, yn achos myfyriwr yng nghategori 4;

(d) £3,470, yn achos myfyriwr yng nghategori 5.

(10) Yn ddarostyngedig i baragraff (11), os y flwyddyn academaidd o dan sylw yw blwyddyn derfynol cwrs heblaw cwrs dwys y “lefel isaf am y flwyddyn academaidd” (“*minimum level for the academic year*”) yw —

(a) £2,430, yn achos myfyriwr yng nghategori 1;

(b) £4,425, yn achos myfyriwr yng nghategori 2;

(c) £3,595, yn achos myfyriwr yng nghategori 3;

(ch) £3,595, yn achos myfyriwr yng nghategori 4;

(d) £3,215, yn achos myfyriwr yng nghategori 5.

(11) Os oes categorïau gwahanol yn gymwys ar gyfer gwahanol chwarteri o'r flwyddyn academaidd, y lefelau isaf ym mharagraffau (9) a (10) yw cyfanswm y symiau a benderfynir o dan baragraff (12) ar gyfer pob un o'r tri chwarter y mae'r benthyciad yn daladwy mewn perthynas â hwy.

(12) Y swm a bennir ar gyfer pob chwarter yw traean o'r swm ym mharagraff (9) neu (10) sy'n cyfateb i'r gyfradd sy'n gymwys ar gyfer y chwarter.

(13) Y swm sy'n weddill ar ôl didynnu £625 o swm y benthyciad at gostau byw sy'n weddill ar ôl cymhwyso'r cyfraniad yn unol â'r rheoliad hwn yw'r benthyciad at gostau byw sy'n daladwy mewn perthynas â blwyddyn academaidd i fyfyriwr math 1 ar gwrs hyfforddi athrawon y mae ganddo incwm aelwyd sy'n fwy na £39,780.

(14) Mae'r paragraff hwn yn gymwys i fyfyrwyr math 1 a math 2 ar gwrs hyfforddi athrawon sy'n ymgymhwysu i gael grant cynhaliaeth ac mae eu cyfraniad yn fwy na dim.

(15) Mae'r benthyciad at gostau byw sy'n daladwy o ran blwyddyn academiaidd i fyfyrwr y mae paragraff (14) yn gymwys iddo yn cael ei gyfrifo fel a ganlyn—

*A-B*

lle—

*A* yw swm y benthyciad at gostau byw sydd ar ôl wedi gorffen cymhwysu'r cyfraniad yn unol â'r Rhan hon; a

*B* yw swm y grant cynhaliaeth sy'n daladwy i'r myfyrwr.

(16) Mae i gategoriâu 1 i 5 yr ystyr a roddir yn rheoliad 49.